

SAMOAN

Fuafuaga a le Komiti a Henderson-Massey 2023



Ulua'i Tu'uaofa'iga - Iuni 2023





Mai le Ta'ita'ifono

O le fuafuaga a le tatou Komiti Faafoe ua faataoto atu ai galuega o le a ave i ai le faamuamua a le tatou Pulega Faalotoifale ma faapea ona taula'i i ai le silasila mo le isi tolu tausaga.

E maualuga lava le popolega i le siosiomaga. O lologa na se'i mavae atu nei na vaaia ai fale ua faaleagaina ma ola ua maimau ai i Aukilani i Sisifo, lea ua toe faamanatu mai ai pea le tulaga ogaoga o le lu'itau uiga ese i le lalolagi ato o suiga o le tau. O lenei fuafuaga ua mataituina ai lenei lu'itau atoa ma fuafuaga e sailia ai auala e foia ai lologa i le tulaga faalotoifale. E aofia ai le faaopopoina o metotia e tu'uititia ai lologa, toe faaleleia o alavai ma faalaolaina paipa o tafega aemaise o le faaopopoina o laau e toto i auvai i o tatou vaitafe.

Ua matou lagolagoina atoatoa le galulue faatasi ma faamalositia le va feagai ai ma tagata Maori. Ua faatuatuaina foi le mafutaga ma le mana whenua ma le mataawaka e faamautinoa ai le sao o tagata Maori ma mafai ai foi ona maua le avanoa e faaleaoina ai ni o latou foi faanaunauga. E faaauau pea ona o matou faatauina ma amanaia le Feagaiga o le Waitangi.

Ua faailoa mai foi i lenei fuafuaga o le nofoaga o Henderson-Massey o loo aumau ai ituaiga tagata eseese. E aofia ai se vaega tele o le faitau aofa'i o tagata Pasefika faapea foi le toatele o tagata o lo latou tupuaga e o mai Asia faapea ma isi vaega eseese o le lalolagi. O lenei fuafuaga o loo i ai le lagona naunau ia faatauina nei tagata eseese uma o loo nonofo aumau i Henderson-Massey.

E faatauina foi i lenei fuafuaga aiga talavou faapea le autalavou o se vaega faapitoa i latou nei o loo nonofo aumau ai. O le a silasila toto'a foi i le tulaga e lagolagoina ai faalapotopotoga faale-autalavou atoa ma polokalame e faia i nofoaga faasao ma fale mo taaloga mo aiga.

O le galulue faatasi ma Whau ma le Pulega Faalotoifale a Waitakere Ranges o le a aumaia ai i ai tatou se leo malosia. E taua le galulue faatasi o Te Whau Pathway lea e fesootai ma le Waitemata ma Uafu i Manukau e amata mai New Lynn e tau atu i Te Atatu. O le a avea o se vaega faapitoa mo faafiafiaga atoa ma femalagaiga i lenei itulagi.

O se lu'itau le tau faafetaui o le tulaga i le tamaoaiga ma le feau masani o loo momoli mai e o tatou tagata; e faapea e taua le faatumauina pea o auaunaga a faalapotopotoga o i ai nei atoa ma le lagolago a faalapotopotoga faalotoifale i mea e fai. I le isi tolu tausaga o lo matou faanaunauga ia tautalagia so'o se tamaoaiga ma ni tulaga ua le ausia faale-tausaga e ala i a tatou polokalame faatino.

Ua ou mautinoa o le a faaauau pea ona faatino lo matou tiute faata'ita'i i le faatauina o le soifua lelei o si o tatou afioaga.

Nga mihi nui

Hon Chris Carter

Ta'ita'i Fono, Pulega Faalotoifale a Henderson Massey





O le tu'uaofaiga lenei, o se maimoaga lautele i faamatalaga ua tu'uina atu e faatatau i Fuafuaga a la tatou Pulega Faalotoifale a Massey-Henderson mo le tausaga 2023. Matou te faamalosi atu ia te oe ina ia e faitauina lenei fuafuaga atoa, o loo maua foi i upega tafailagi i le tuatusi lenei; akhaveyoursay.co.nz/localboardplans, faapea ma faletusi mo tagata lautele atoa foi nofoaga o auunaga a tatou Pulega; Faailoa mai i ai matou poo le a sou manatu a'o lei taina le itula e: 4pm i le aso Gafua, 14 o Aukuso 2023. Pe faailoa mai foi poo le a sou manatu e ala i lou faatasi atu i nisi o a tatou fonotaga faalotoifale.

Faai'uga a Māori & Faatinoga i Suiga o le Tau

O nisi o vaega faapitoa o la tatou fuafuaga o le tuuina atu lea o faai'uga mo tagata Maori atoa ai ma le faia o faatinoga ona o suiga o le tau.

O faai'uga a tagata Maori e tali atu ai i le matafaioi faale-tulafono a le Pulega ina ia faalautele feutana'iga ma tagata Maori i Aukilani.

E taua tele foi le tiute fai a le Pulega Faalotoifale i le ta'ita'iina ma le lagolagoina o le tali atu a Aukilani i faalavelave faafuasei ona o le tau, e aofia ai le lagolagoina o fuafuaga faaitulagi ua faatuina mai, ina ia aofia ai ma le iloa o suiga o le tau i faaiuga fai, atoa ai ma aseta a lo tatou afioaga.

O lenei fuafuaga ua faatuina atu ai nisi o auala e lagolago ai Faai'uga a Maori i lo tatou afioaga.

- Galulue ma lo tatou Kaiwhakaawe ia amataina se faatulagana e galulue faatasi ai ma Te Pae Kikiuroa, le Vaega Faufautua a Maori lea ua atina'eina o se vaega o Waitakere ki tua.
- Feutana'i ma le Maori Thought Leadership Collective e vaavaai ni avanoa e lagolago ai faanaunaga o tagata Maori.
- Feutana'i ma le mana Whenua ma mataawaka o se leo tu'u faatasi o le itu i sisifo e vaavaai i ni avanoa e lagolago ai faanaunaga o tagata Maori.
- Lagolago faanaunaga o le mana whenua mo le puipuia o le siosiomaga faale-natura e ala i le galulue ma le Te Kawerau a Maki e saili nofoaga faapitoa ma avanoa mo faalapotopotoga faale-siosiomaga e galulue faatasi ai ma le iwi.
- Su'esu'e atili nisi avanoa mo fuafuaga e faaleleia atili ai le vai taumafa e pei ona faatuina mai e tagata Maori.
- Faaauau le lagolago ia atina'e marae i taulaga mo Fuafuaga faapitoa a Maori i le nofoaga faasao i Harbourview Orangaihina.
- Faaauau le tu'u faatasia ma le faatauaina o ata mamau faavae a Maori i nofoaga lautele o tafaoga ma maota atia'e.
- Lagolago polokalame ma faatinoga e faalauiloa ai le aganuu ma le faasinomaga o tagata Maori.
- Faaauau le lagolagoina o le mana whenua i le faaigoaina o nofoaga mo tafaoga, maota ma eleele faasao, e ala atu i le poloketi o le Te kete Rukuruku, e aofia ai le faaliliuina o faailoilo e faamatala mai ai le tala o le taua o ia nofoaga i tagata Maori.

O la tatou fuafuaga e tali atu ai i lu'itau o suiga o le tau e ala i faatinoga nei:

- Faaauau le faatupeina o faatinoga mo suiga o le tau e lagolago ai polokalame e faatumauina ai pea ma vave faaleleia lo tatou afioaga.
- Faaauau pea le faatinoina o Fuafuaga a le aai o Henderson-Massey Urban Ngahere e fesoasoani ia faaleleia le ea ma faaititia le vevela o le siosiomaga o le taulaga.
- Su'esu'e atili ni avanoa mo le toe faaleleia o alavai ma eleele lolovaia.
- Galulue faatasi ma Aukilani i Sisifo e atina'e le fuafuaga faalotoifale e tali atu i faalavelave tutupu faafuase'i.



- Lagolagoina le Poloketi Twin Streams e atina'e se polokalame e faalauiloa ai le matafaioi a alavai i le faatulagaina o tafega o vai i afa ma soalaupule ma i latou o nonofo aumau ai faapea i latou e ona eleele ina ia faamalosia le toe faaleleia ma le totoina o laau i autafa o auvai i eleele umia saoloto.
- Lagolago pisinisi ma afioaga ia galulue faatasi ia oo atu i le 2040 ua ausia le le toe i ai o ni otaota lafoai ae faatupulaia le mafai ona ola i se soifua e maulalo le kaponi.
- Faamuamua poloketi e faaleleia ai le saogalemu ma le soifua maloloina o se sao foi lea i faatinoga ona o suiga o le tau ma faai'uga o le va fealoai; e pei o le faatulagaina o le saosasaoa o taavale afi i nofoaga e i ai a'oga.
- Galulue faatasi ma Kainga Ora e atina'e fale apitaga tumau e maua ai avanoa mo mara kai faapea nofoaga laolao mo mea fai.
- Ia mautinoa le faamuamua o nofoaga paologia faale-natura i le atina'e o nofoaga avanoa uma mo taaloga.
- Galulue faatasi ma Pulega o Matagaluega faapea faalapotopotoga e pei o Ecomatters e lagolago pisinisi faalotoifale ia faaitiitia kasa ma otaota lafoai ina ia mafai ona o latou finauina le faatupulaia ma le faatumauiina o le maketi.

O tatou tagata

O la tatou tofa mamao: Ia manuia tu faale-aganuu ma le faasinomaga o Maori, matou te tuuina atu i matou e matua lagolagoina ma faataua le faai'uga o le Feagaiga o Waitangi. O le sootaga malosi ma le mausali o tagata i lo latou siosiomaga e faamalosia lea i le atia'e i luga o le talaaga o faatinoga a le itu i Sisifo, o le taulagalaga mea ma le lagolago a lo tatou afioaga. E tele ma taua le sao i mea e tutupu i o tatou tuaoi ma lo tatou siosiomaga i le eseese o ituaiga tagata o loo aumau ai, ona e malosi le lagona o lo tatou faasinomaga lea atoa ma le sootaga o le afioaga aemaise o le auai pea i tonu fai faatemokalasi faalotoifale. O i tatou o se vaega lautele o Aukilani i Sisifo lea ua tu'uaofa'i faatasi le leo o Aukilani i Sisifo.

O la tatou Fuafuaga

O le tulaga matou te naunau ia ausia

- Faamalosia lo tatou pitonuu ia avea ma ta'imua e tuuina atu o latou faanaunauga.
- Ia i ai ni sui o Maori e ala atu i le faatuatuaina ma le tau lagalagamea o mafutaga a mana whenua ma mataawaka.
- Ia talisapaia, faatauina ma faalauiloa ituaiga o tagata eseese uma lava.
- Ia aoga le galulue faatasi a Waitakere Ranges ma le Pulega Faalotoifale a Whau o se leo o le itu i sisifo.

Lagolagoina

O le a matou faalauiloa le lagolago mo Te Kawerau a Maki ia toe faavaeina le marae i Te Henga ma lagolago le atina'e o le marae i le taulaga o Harbourview-Orangahina Park.

O lo tatou Siosiomaga

O la tatou tofa mamao: Ia lagona e tagata lo latou tiute ma ia faamalosia e avea i latou ma e tausi mea lelei. O aafiaga o suiga o le tau ma le soifua lau lelei faatumauiina o se vaega lea o le olaga i aso fai soo. Ua lelei le vai ma manuia foi le aai faapea foi ona tupu lauolaola lautele le vaomatua. Ua ogatotonu le atamai o Maori i le toe faaleleia o lo tatou siosiomaga.

O la tatou Fuafuaga



O lo matou manaoga ia ausia

- Ia ta'imua le afioaga i le auala e puipuia ai ma tausia lelei le Siosiomaga
- Ia faateleina laau toto i le nofoaga atoa o Henderson-Massey.
- Faaleleia le soifua maloloina o le suavai
- Faamalosia ma tu'uitiitia pitonuu kaponi.

Lagolagoina

O le a matou lagolagoina:

- Faatinoina o le Fuafuaga o le Shoreline Adaptation mo le Uafu i Watemata i Sisifo pe a amata ona atina'eina.
- Faaopopoina o le faatupeina mai Suiga o le Tau (Climate Change Target Rate (CCTR) poo le Sini Faatulaga o le Natura o le Siosiomaga (Natural Environment Targeted Rate (NETR) ina ia faaopopo laau toto i vaomatua o aai ma taulaga.

O lo tatou Afioaga

O lo tatou tofa mamao: Ia avanoa nofoaga ma auunaga mo tagata uma i o latou tuaoi ma siosiomaga e tali atu i o latou manaoga. Ia avanoa faatinoga faale-aganuu ma ia taugofie mo tagata uma. Ia atagia le faasinomaga o tagata Maori o se vaega taua o faatinoga faalotoifale.

O la tatou Fuafuaga

O manaoga ia ausia

- Ia aliali le faasinomaga o tagata Maori, ia faatauaina, ma ia malamalama atoa i ai le rohe.
- O soo se nofoaga ma auunaga ia mafai ona tali atu i manaoga o ituaiga tagata eseese.
- O tu ma Aganuu atoa ma mea fou o se vaega taua lea o le soifuaga i lo tatou afioaga.

O lo tatou nofoaga

O la tatou tofa mamao: Ia tele auala mo femalagaiga ma ia faafaigofie ma avanoa mo tagata uma. Ia fuafua lelei ma manuia o tatou taulaga ma nofoaga tu totonu, ia faigofie ona uia ma ia faatosinaina. Ia tutusa avanoa e maua mo tagata uma o le afioaga. Ia silafia e outou tuaoi tagata uma ma ia mitamita i lo tatou faasinomaga faalotoifale. Ia aliali le faasinomaga o tagata Maori, ia faatauaina ma ia malamalama atoa i ai le rohe. Ia lelei tapena fuafuaga mo manaoga ma le ola faatupulaia o lo tatou afioaga.

O la tatou Fuafuaga

O manaoga ia ausia

- Ia tele auala e filifili ai mo femalaga'iga
- Ia toe faafoi igoa Maori ma lona faamatalaina i le fanua.
- Ia faia se sao mo le tulaga maualuga o le soifuaga i le taulaga
- Ia manuia, saogalemu ma tosina o tatou taulaga tutotonu



Lagolagoina

O le a matou lagolagoina:

- Kainga Ora ia faanatinati le fausia o fale i Henderson-Massey e tali atu ai manaoga o Aukilani i Sisifo.
- Taaloga, nofoaga mo tafaoga ma nofoaga lautele (aofia ai vai taele) i matu sisifo faapea ma le pitonuu o Redhills.
- le faaauau o le Climate Action Targeted Rate-funded Kelston e agai atu i le poloketi o le New Lynn Cycle Focus Area a le Pulega Faalotoifale a Whau ina ia faalautele ai le fesoota'iga o le ala mo uila vili vae mai Henderson-Massey e tau atu i le ogatotonu o le taulaga.
- Faauau le faatupeina o le faa-paaga ma le malo ina ia faamaea le Te Whau Pathway.

O lo tatou Tamaoaiga

O la tatou tofa mamao: la manuia o tatou taulaga tutotonu. Ia galulue tagata ma faatau i le nofoaga o aumau ai. Ia lelei totogi o avanoa faigaluega i le lotoifale. O se tamaoaiga felanulanua'i e faatinoina se siosiomaga e faatumauiina ai le feavata'i ma felatata'i.

O la tatou Fuafuaga

O la matou manoga ia ausia

- Ia toatele tagata e nonofo aumau ma galulue i lo tatou lava lotoifale.
- O pisinisi ma falefaigaluega e malolosi ma tutumau
- Ia ola ma manuia pisinisi ma taulaga tu totonu.

Lagolagoina

O le a matou lagolagoina:

Se auala tele vave i le northwestern motorway

Le atina'e a Eke Panuku e tuuina mai ai se atina'e lelei ma le tumau e lagolago ai le toe faaolaolaina o Henderson.

Le toe faatele ma toe vaavaai toto'a i le tuuina mai o se faai'uga tau i le tamaoaiga mo rangatahi Maori ma talavou Pasefika.



